

集部

金定四庫全書 集部

詳校官庶吉士臣朱 理

主事臣吕雲棟覆勘 總校官無古士臣倉聖脉

校對官中書臣葉 騰録監生臣周 蒯

釣

大三日三 二十二 CANADA SERVICE 五世 小學的主義 晒庵續集 何以見惡如此之深甚可笑 一細與長孺言之後有的便 一解但時發一笑耳 一識得古人用意處然 撰 學易集見其當給聖元符之際愁居攝處之状令人傷 開悟發明善類未有少安之望也千萬與諸伯仲深答 甚乎黃乃以力賛建中而去前已去者将有復來之漸 得王謙仲書亦如履常所料益遠方未見近報耳向讀 其繼之者與儲以待次者又不定不入若非上心慨然 渠处一一奉報要之令日只可謹之又謹畏之又畏不 此意敬恭朝夕安以俟之區區不勝真切之望也昨日 可以目下少寬便自舒肆況所謂少寬者又已激而更

為法也 數不意今日乃見此境界宛在目前試取一觀亦足以 火を日本社会 亦隨時隨處可下工夫未必無益於養病也 丧偶不知果然否經年不得渠書想亦畏偽學污染也 李白詩多說此事惜不能盡晚粗窺端緒亦不暇入静 行持但玩其言猶是漢末文字可愛其言存神內照者 、強懼當時不理會得令乃親見此境界也斯遠聞其 一時見吕紫微與人書說交遊中時復抽了一两人令 湖库結集

學不力有愧初心著書未成不無遺憾耳因便寓此少 别紙所喻汪洋博大不可涯溪仰見所造之深所養之 所以仰稱期待教督之意而又未得親奉指畫於前其 致問訊之意改遠千萬戒詩止酒以時自爱眷集均慶 已草桂冠之情開歲即上計較平生已為優幸獨恨為 為向仰不勝此心之拳拳 每承諄切之海若將擊而寡諸聖賢之域顧愚昧未知 答江隠君

誠不足以語此亦已貼然若發蒙矣幸甚幸甚然竊以 備級横貫穿上下馳騁無所窮竭底滯雖若其之蒙昧 其可否由是精義入神以致其用其間曲折纖悉容有 其問語大進修節序之緩急先後則或未同益其之所 平生所聞於師友者驗之其大致規模不能有異獨於 於格物以致其知不離乎日用事物之間别其是非究 聞以為天下之物無一物不具天理所謂寂然不動感 而遂通者舉目無不在馬是以聖門之學下學之序始

之言率多違異而語其所請之極則又不敢以為不同 次序而一理貫通無分段無時節無方所以為精也而 而急譬如草木自萌芽生長以至於支葉生實不至其 而自得之然後為至固不可自盡而緩亦不可以欲速 以為駐足之地者其本末指意似若不同故前後及復 此與來教所謂傷時痛俗急於自及且欲會通其旨要 日至之時而握馬以助之長豈不無益而及害之哉凡 不離乎粗以為末也而不離乎本必也優将潜玩屬飲

勞提耳既感且愧不知所以為謝也 心之所欲言也 敢執着言語以取再三之清要之非得面承不能究此 少功用耳及紫垂喻再三每加精客讀之恍然自失於 始者獻髮亦非敢以所示大古為不然但髮精義入神 姑論其大學異同之端以為求教之目其他由折不 辱墜教所以訓督孜孜不倦有加於昔顧惟庸昧重 白文義或不如此恐如所論則義以方外之一節似

欽定四庫全書 費多少心力言語於道體無所發明於文理反有所累 高明尤不難見若無義以方外一節即儒者與異端又 於文詞又迫私兄來使不能久財然此非難知以吾丈 妄言而此句工夫自有所謂不但如來喻所指而已批 其竊終是之願平心以觀理人立言之意當信其非敢 未免扭捏愚謂大體已是正當即不須強以此句說合 直截根源處更無纖於可與以是精義入神一句依前 何其乎此似未易以內外隔截者也前書別紙變化機

矣且者論語中一句一字孰有非要切之言者若學者 之淺深在學者所證本非有預如此分别也昔有人見 是何語先生云皆要切且熟讀可也此語甚有味作者 龜山先生請教先生令讀論語其人復問論語中要切 似平淡没可說只平淡中有味所以其味無窮令人說 要二者之分亦非愚妄所晓竊意聖賢之言則一而見 體會履踐得皆是性分內緊切態實事便從此反本還 得來驚天動地非無捷徑可喜只是味短與此殊不倫

於義而孟子養浩然之氣亦以曰是集義所生者不識 能 妄則亦與道離而不自知矣故曰和順於道德而理 義理之本然也故日用之間內主於敬而行於義義不 未見其可大抵理門立言制行自有規矩非意所造乃 此為對仁之義乎為精微之義若來喻所云乎且對仁 擇則不精不精則雖其大體不離於道而言行或流於 聖賢之門無有是也其莊老學之緒餘乎反復以思 源心與理一夫豈有剩法哉若如吾丈所謂變化者則

一銀定四庫全書

此耳 宜而已矣物之有宜有不宜事之有可有不可所謂義 之間未能脱然有貫通處其於道體固思夫若存若亡 前幅所陳謬妄不中理之言必多益未敢以為是而求 之義亦何以知其不精微也但大傅中精字之義不如 也精義者精諸此而已矣所謂精云者猶曰察之云爾 而未有約車之見耳但精義二字聞諸長者所謂義者 正於左右切望指教區區之病正坐執滞於文字言語

12 ... 10 ... /i.t.i

胸病縛集

金贝四母台言 所不悉有不可容言之妙矣此所以致用而用無不利 精之之至而入於神則於事物所宜毫釐委曲之問無 月計所須令民以漸輪送故縣裕無餘積而月解無餘 然亦學者發端下手處恐不可畧故復陳之 也來教之云似於名言之間小有可超雖非大指所係 不 喻曲折亦是時態之常項聞仙将故相葉公之為縣 八甚便之竊計郡計既寬正當法此稍寬縣道之輸 與鄭景實栗

大門司之二十五 先後墨評所指選學一事乃與賤跡相連士子有初不 又有以制之耳储安既去為怨家所誣亦寓公者為之 亦不堪以葬也它時經由當自知之其可治數又不止 邑中士子定議而其亦預馬其人則初不及知而其地 如今所諭也 預謀者亦被流竄其事甚可笑或傳不止流竄果爾又 可痛也益舊學基不住衆欲還之久矣儲宰一日自與 亦公私之利也但恐縣道難託别生它患此在高明必 湖庵續集

金少四月百十 卷於破釜何即 云參選不得已歸臨海不知然否能碎千金之壁而者 **所喻極當初亦超之後聞所得只是庶官恩例故不自** 旁郡守者遂不復相聞末俗益偷乃至如此亦可欺也 此間虞士朋與王阮同赴東府舒會乃其隣郡鄉人公 不使人攻之也姑少徐之當見底裏歸宿也将誠之或 战聞已西去昨日得浙中書云子約之逝親戚有為 與競廷老

態也 還仲本印紙令并附其人持歸幸檢入元不會發封但 **無令既不安不如且已止於未形尤為深慮保状已納** 别用紙護之也三衛已差替人正則恐亦不成赴上矣 規模亦不難見益已排黃子由之說而退之不久必别 示及報状只坡疏未見此其關挨雖未易窺然其手勢 是時益求入社而不可得今日乃為此言固小人之常 生項年代君舉於桂陽自刻其詩集而屬君舉序之 うしいいす 班馬騎非

一多庆四库全書 幾 與老拙只争十來 歲前逢事亦可知若時運來時又 其病起方得自日無事比又傷苦風證候雖淺然服藥 無着身處頗以為苦耳誠之進退不決何乃至此渠年 發散出汗多倦乏不可言屋下濕潤坐不得閣上又熱 有勝負也元善已如雲川其子假日至此見養子之說 自非人力所及也 開及之世間所傳坡文亦未必皆出其手可更詳之也 愕然曰大人到彼又頭撞矣此語亦有味因見仲本可

判矣 来令人感愧不能為懷天之養養其果有所愛憎即抑 換闕竟如何人生凡百信縁禍福之來豈計較所能免 多容偽濫近蒙易以偽號又責保任虚實於是真屬始 班引矣中間道學二字標榜不親切又不會經官審驗 見說賢者慮患過深幾至成疾何处爾即伯起想已赴 老益泉百病交作處世能復幾時而季通子約凶問沓 與張孟遠

Kilonor Links

胸庵續集

金月四月人司 一得中節此舉却是以語為默差之毫釐則是反速其禍 學固非止於為思然亦不再為知來如後世識緯之言 都無之而直聽其自爾即思說恨未得請餘海康節之 也幸深考之復以見教幸甚 計此愚誠當蒙於九得遂退蔵也然語默之問政爾難 縁面奏封事之請妄陳瞽言政使至前所論不過如此 歸來之後叨冒重登已深愧仄不意又蒙收名之恩顧 **念本末不應復有仕進之計而懇辭未獲比不得已輙**

樂界無妙驗懸車年及已言於郡西上告老之章而有 衰病益侵自去冬來腳弱拘擊心腹痞痛日甚一日服 之此公定夫先生從孫論議文學皆有餘在此為可與 路之除甚慰物論供職當已久矣 緩過衛欲買舟而無知識可託欲丐指塵幹事人相導 未知竟何似耳子充當已改秩亦久不得渠消息也季 **司 超之交舊亦多以為不可未知竟如何然此意已決** 不復能顧利害得失也友人将子蒙超該南官行期偶

Let a.) Times his taken !

贴庵續集

金贝四届台言 記得果老初謫衛陽有以詩送之者曰逢人深閉口無 弟且如此昨得其書具道所教戒令人感數但觀時勢 輕重顧未知世道終何如耳餘干時有人往來履常口 事學梳頭此語有味可發一笑然亦不得只作笑會也 時語者計當自識之也 似聞祠官我滿不知亦為再請之計否即東方之事想 日聞之甚竟不免吏議然已晚矣正使尚安亦何足為 答劉德修 卷四

Kr.Janet Mith 亦得書平父聞亦歸江陵却不得近書也季章必已到 子直罷廬陵後去之章貢外邑寓居亦不甚安子毒問 謝子宜在宜春時得書其母年高不肯來就養甚可念 恐未有補徒促禍耳機仲元善各已為致盛意皆屬道 文以不朽矣春間當己就空恨不得陪素車之會也傳 之迹三復數仰以得見為幸老先生學行之懿遂託此 訊矣東溪志銘高古峻潔法度深嚴而渾然不見刻琱 閬中文叔寓居不知為況定何如亦已託君亮附書問 跗唇續集

金贝口月白言 食俱廢累日不能自釋不審彼以何日就道自簡至房 方念久不聞動静忽閱邱報有房陵之行為之恨然寝 得就明者而正之也 今年脚氣幸未大作但耳曠目昏日以益甚舊書不復 石刻之況荷意甚厚第顧衰懦有不能堪重以為愧耳 之計亦已襄事其子弟祭人當能世其學也天雄鐵杖 可讀而項并整頻儀禮一書私居之人抄寫學徒又多 在遠不能脱藁深慮一旦無以下見古人又恨地遠不

異否居處飲食能便安否官吏士民皆知相尊敬否吾 道里幾何取道何州閱幾日而後至風土氣候不至甚 前耳偶有郭便託劉公度轉致此問如有的便亦望得 道之窮一至於此然亦久知會有此事但不謂便在目 とうこう ノートラ 脚棒續集 却幸未見物色想亦深自晦也甚足弱氣痛已半年矣 一字之報使知動静少慰遠懷千萬之幸馬李亦復不 鴻飛軍軍使人深羨第恨不得扣其玄中之趣范文叔 容李章得郡而名見乃弟疏中恐亦非久安者李良仲

盡室将山大是一段奇事衰病窮處不復能出門户矣 亦可歎也 中間益亦少有紛紛後雖粗定然猶不免為從之之累 期尚異以時深為世道自爱耳甚隨例納禄幸已得請 引領高風徒切歎仰李良仲恨未參識聞其養生頗有 右臂作痛寫字不成衰憊至此無復久存之理承教無 作字一切皆廢獨於長者未敢依例口占耳數日又加 杖第人扶住能畧移跬步而腹脇脹滿不能俯案觀書

問禮之意甚善顧淺陋何足以議此舊所遵守者温公 令人刊行方就自有紙譯處令納一册或因書煩為扣 以往者不及來者未聞而有長生度世之願亦是不堪 **水営不發一大笑也** 渠以於此深有得恐其有錯誤得筆示幸甚也屈平 妫恨不得一 八之妄作而欲見其末稍作如何出場耳每讀至此 與方耕道 扣玄指參同契絕無善本近校得 脂庵綺集

欠このらんごう

金好四月百十 書儀程氏新禮耳两書想皆見之擇其善者可也嘉禮 歸已明曲在人非主人所以千里相招之意也又況如 所 喻南軒病證極令人憂念旦夕專人候之當并拜状 承許改月來訪幸甚幸甚 有日本合遣人致區區適此善慘不得如願想能亮之 此則必大激同官之怒亦使主人難處區區愚慮深為 也幕客正要蚤晚從容密罄忠蓝來喻乃欲公聽槽笏 納智誦言殊不成舉措聞之駭數如是乃是專欲引善 卷四

學幸甚幸甚 望至來粉所謂官吏縱死此亦當以漸整頓宣容一 曲調護使人無可指議乃為盡善若以小故先自乖離 大江田山上山出 将已望風引却今老兄若更做去就宣不大損主人聲 糾之以猛恐非吾輩平日所講之意更請裁之勿為過 遽行商君之令乎居上以寬恐南軒自有規模若一向 外激衆怒內致羣議殊非策之得也況向來所辟两人 老兄憂之方念正論衰息吾黨甚孤正當凡百詳審委 班馬續集

多りで見るうで 當不把玩數息而善藏之是時雖幻無所識知然窺其 **管念兒時侍立先君之側見其每得杼山侍郎公書未** 意垂老得其賢孫而與之将幸亦甚矣三復來海俯仰 窮山不得一拜冰下以修子弟之恭至今以為恨也不 詞意筆蹟之妙亦意其超然非當世之士也其後僅三 時去國諸賢次第次用侍郎公亦再登近班而其跧伏 四年先君即弃諸孙益已不及見更化之日矣是以 回劉知縣諱君房

承問及為學之意足見志尚之逐甚慰甚慰盖當聞之 **崇弟達於從政真足以惠一方矣** 從所欲矣此慮使郡虚有勞費亦已預戒印吏關白想 徹台聽也近聞已除石寺簿為代與之亦有雅故其, 令皆甲子殆将一周又自數其老而無聞也 祠之請前月半間已專人入郡度諸公見憐必已俯 與茶權郡南原

大江日中 八十二

斯廣續集

然其大端宜亦無不聞者要在力行其所已知而勉求 其所未至則自近及遠由粗至精循循有序而目有可 見之効矣幸試思而勉之幸甚幸甚 人之一身應事接物無非義理之所在人雖不能盡知 之詞妄取借越之議回書幸為遣行李集并往亦足以 此有樂静李公文集謾納一本其後序所云深可以為 令兄寺簿詞翰两絕把玩不能去手然豈敢軟以無能 干名求進之戒幸試觀之區區奉寄意不在於文字也

見區區也 所喻纏纏殊可感数此其意不在左右計必又須醞釀 答儲行之

播揚成一大事亦不可知然區區之心有可以質於神 明者以救民而獲罪亦所不敢辭也批書遲緩亦且得

寬心恐耐為住聞建安亦未得去崇安却已得好消息 矣縣中近日大縣幸已無它但西路之窘日迫官司要

大大三日 Latella · 斯皮特集 已再輪上户至八月初然無人監督以明者行之尚且

穀日不下百人或恐彼中土人争占欄截亦能生事此 輪輕 已足上户便謂事畢雖有米者亦不復輕最是崇 適得察倉書尚有挽留之意若能領其個教幡然一 金万口屋人里下 皆可深應者竊意左右聞此亦不必待其劔戦如林流 不免為虚文况今日即 民至有餓而死者聞之惻然今日文卿相過亦說諸處 一萬幸甚昨日劉居之相訪具言麻沙事體云一種貧 鄉可應深文叔亦言長平一帶小民般運崇安早

崇化麻沙往來監難并措置救荒事目付之簿尉以供 諸司再順左右一來權領一職帶取印杖從問道直趨 次定四年全書 血成川然後為復來計美且是目令便覺上下人情不 事之界定而歸似亦無不可者不知雅意如何文卿亦 通有話便難出口適因蒸倉見問己告之云不若便關 說縣中士民盛傳舊尹後來其意似亦可憐不應便恕 其死一夫身被刀割則左右皆不得辭其責切幸察此 然弃之也適又與文卿說自今以往境內有一夫不得 斯庵鎮集

愚無有以為意者惟會堅伯相見新即來以為士子當 吾人乎但新學一旦措手而委之庸影數日前已互遷 閉中讀書奉親足以自樂外物之來理賢所不能必況 些人偽學其言雖可笑然恐有理不審於意云何也 向來此問行事得失當亦有可自警省者或謂却是欠 圖恐異日思之不能無追悔也 苦言少回公去之志勿信庸人狗已忘物之說以誤遠 象設令人情數不能已而一縣下人若貴若贱若賢若

通在湖南耳根却静然諸遷客間高安之報想亦不免 得書殊恨失計初亦有所迫而然失之不能劉決耳季 亦是氣運使然豈可專各章子厚耶元善到雲後一再 意立于服獨為之涕泣流漣而不能已處事變恤躬交 張鄭黃鄧相繼物故吕子約前月亦不起疾殊可傷悼 亦兩得其理也 相率訴之范仲宣深以為然而漠然無有應者此亦見 大小口里公里 人之識見分量之不同也季通之行浩然無幾微不適 斯應續集

金贝里是石雪 偶有自江西來者得東坡與何人手簡墨刻適與意會 今往一通 可銘坐右也 打草蛇熊也人生由命非由他此言雖淺誠有味也 僕本以鐵心石腸望公何乃爾耶吾係雖老且窮 際若見僕困窮便相為邑邑則與不學道者不大 而道理贯心肝忠義填骨髓直須談笑於生死之 示及數書皆有遠別惘然之意雖兄之愛我厚然 東坡帖門見

賢者以親養之故不能不介念也來春之行不知都下 吾人不合偶得一官遂以官為業一日投別便有食不 足之數彼此皆然然在此則身自當之無所怨悔亦知 火之不知者以為垢病也其皇恐 之禍福得喪付與造物非兄僕豈發此看說便可 相遠矣凡造道深至中必不爾出於相好之為而 兄雖壞坎於時遇事有可尊主澤民者便忘軀為 已然朋友之義專務規諫故輔以狂言廣兄意耳

大三百百二十二十二

斯馬騎乐

是無事人只是一陸此城却恐未有出期雖然只是參 他却無說但後受兩司對移之命既行彼乃深怨以為 俸半年未曾立案殊不可晚也避地盖出於不得已其 今乃鋪叙如行遣禁從即臣之體不知果是谁筆因便 道告詞傳聞數聯不曾見全篇尋常此等只拂畧說過 選然亦須臺麥出人而前恐又重遭指目須更審而後 報者云何若非以釣黨之故則疑雖重坐但經赦宥便 幸累批喻也其却至令不會受告亦不見報行詞命與

獨樂園圖恐司馬守便之官未暇刻得與之議為辨 當已得其說矣來使方令還自府中適此兩日所苦大 張即到未此公遠去朝廷不省所謂議者盖深惜之彼 諸已行遣人恐死灰之復然耳 自此發之不知二公經年不通問也時論率兩三月須 互刻之亦住但其詩頗有誤字見山墨詩中陷通明乃! 作力疾草此不能完所欲言然前書計亦非晚當至矣 一番引作近報集議赦條不知意果如何恐亦只為 **趙庵續集**

恐亦未應遽至於此當更察之若其果然則誠為狗風 所喻批滿今始得之萬事遲速自有時節固非人力所 能為也代人尚書者不知得之何人此人固非住士然 多玩匹库全書 不食其餘矣彼挟怨妄言者固自不足责也前日亦料 滅然則為士君子者其可不力於為善哉 關人事而使人想象愛慕不能忘雖不得復至其處而 **陶隱居之别號今作淵明當改正耳前賢遺迹正爾何** 猶欲見之圖盡之間使其流傳之廣且遠而未至於派 半四

對人誦之不知已被受否聞其亦有之渠却云是同官 週問之意似亦未便幸更審之大抵欲面言者無它但 昨日得報乃云冬收方元未能自拔令承喻及有問道 從人不欲復過此亟折簡呼文卿令其往見固欲寄聲 應爾也詞命已行乃東山之筆有鹽課入已之語渠自 前日廖子晦歸說新闕已為人所受想已聞之理勢自 故若處晦觀明處静觀動則無不察矣 欲每事詳審持重再觀人之失亦坐自處未能深静之 站店續集

多好四母全書 耳鄒公亦有安静之説次第善類須少安也王巽伯木 即幕無事可以讀書而西山南浦號為天下勝處公餘 武以媚用事者而深蔵以蓋其迹甚可笑也 徙倚亦有足樂然亦更須擇交勿忘前事之師乃於望 細故得放過且放過勿令人疑事事皆出於己乃為佳 耳小坡一著高似一著此甚不易必是裹面說得轉了 方下得此手脚然此亦至危之機更須深自防衛一 作其勢不應如此但至令不下亦不見人傳誦必是醜

是一事大抵吾黨例多国窮只得存活得過俱是十分 亨泰矣後之晚娶深入瘴地似不善便此邦之侯一再 愧不得一遊其間并以文字結緣也至之且得如此亦 寄梅嚴圖來初欲令作記俄聞溪城之報且罷休矣甚 升沈何足深計但得此心無愧所得多矣衛公近得書 能去否向語渠尋獨樂園圖摹刻流布不知曾為之否 The signify tensor in 通問亦依樣盡詩蘆合之不為難也 不及作書因見幸為扣之也景初素守於此可驗世路 **斯庵橋集**

金りりでたといって 非敵國便能因樹為屋目同傭人亦已晚矣況不能那 置無他刑名正緣有司欲秘其事却致傳聞張皇前日 **劄而李通遂有春陵之行已入府聽命矣** 就道臨老遠謫殊可念耳告計之門既啟世間羣小無 罪戾之既不容掩覆竟蒙莹奶褫職罷祠昨日已被省 示喻縷縷極感勤念然此何足置意中耶季通以是編 |福福正當付之造物耳 答黃子厚鉢

十二都人户不知與昨日状子是同都否不免并煩契 老兄尉中無事不合相擾然想関此疲民不憚少勞也 見人數即報彼縣般載來黃亭東岸等候人來請貸也 伯起託其與集幸為付此輩自持去又恐去建陽遠俟 勘令社首保正等人結保具狀來請恐亦只有三百來 所說縣貨事想已家留念矣令日復有數人來云是六 次是四年人生 **归勢亦不能廣及也社首運或自呼與不得令一書至** 答丘子服膚 班馬結集

思楊子說月未望則載魄於西與此字義頗相似檢看 興如何閉外此的甚覺塊處之情情而力未能出奈何 老子荷留念載營碗之義說者皆失本意前日因此偶 **暑說與通理所欲議定喻及仍令匠氏盡圖來看也** 服及意欲自出簿少而率 諸朋舊共為之似亦不妨已 批乃爾可笑也唐人詩云昨夜秋風還入户登山臨水 昨晚又承簡為慰謝字初不晚将謂有何異事豕亥之 金りのほうご 奈何詩譜已得之未耶御書閣已装了龜子恐官司未

諸家亦無一人說得是當草定數語以辯之未暇録去 示喻有科舉之累愚意非科舉之累入人自累耳所示 為之悼數不但為平生交好之情而已也 但所傳甚子細恐必不妄志業精深令宣復有此朋友 獨如來喻所指也 侯到此日可看也對禹問以私意窺理人崎嶇及仄不 前晚聞春陵信不住昨日亞走後山渠家亦不得的信 成說話而反議孟子為求其說而不得者其言之失非 ていうしいいう 賭庵編集

|到好四年全書 之指天盡地唱風罵雨者氣象不侔矣更有二先生集 中無本沈是葉公之姓向來敬夫在桂林刻本跋語中 周子通書近時到處有本此本項自刊定比它本為完 解此字義舊有本亦已盡矣 前書問責沈時正握握不及報不知平父曾寄去否此 失有命似不必太狗時好也 論昨在實幢會聞此說渠已當朝語其非試更思之得 可試讀之此近世道學之源也而其言簡質若此與世

くこうここころ 葉樞與沈倉書共甫與黃守智子去平父至彼可與伯 前此其當妄發卜居之議未有定論既而聞居泰寧之 本皆為人乞去俟他時别寄也 意甚決且謂勘居建陽者皆挾黨徇私其說乖悖不知 承示及行在諸書已領今納胡艾書及陳賀二公祭状 授元履令見二公而道曲折盖共甫書中之說如此但 修昆仲熟議居止處如有意東來即遣人持沈黃二緘 與劉平父 斯庵簡集

製不屬意可知矣今願息未定而異議紛然不顧義理 寧見於書札者非一況放手足之際又有道學失傳之 誰主倡此説真賊伯修昆仲者也范丈素志不欲居泰 當於建陽近墓買田則建陽不憂食不足斷然可居無 之肯不約而同幸持以示修崇老僕之言今可思未二 之所安妄言同異雖其意謂范艾為不復有知其如義 公 脾金尚在胡艾許其不晚求田事諸公已屬元履矣 理有出於人心之所同然者不可與明而殊觀也胡艾

益唇而已平父至彼便宜論此其月末至麻沙或扶曳 於范氏門户久長之計豈不優於入泰寧范丈所不欲 今日之計不患於食之不足而患乎身之不修為前人 修兄弟動息必聞小有過失必有交謁而更諫之者其 後有意放口偶因胡丈之言 後發其狂琴志已領看軍 居之地去墳墓背朋友而自肆其心乎然則伯修兄弟 超沉近三世之墳墓而范丈之門人子弟布滿左右伯 さんこうじょんまで 一 至邵武不可知然此議之責令在平父向者其已不

到贝匹屋台言 等人使人蓝深素餐之愧也 還言者聽者皆不易得但欠一行字耳草澤中却有此 盖雖相聚一年所進業殊少所當為而未為者殊多令 熟者今悉温尋之為善向數本語可錄出所作工大次 看四篇似未浹熟可無新舊者為住去歲所治大抵未 即納上亦方是五七十年來文字非古書也小報却納 南說未編次可及今為之他日相聚我之也論語向 紙時復省倉了與未了分數此最善可便為之

惟思之無事勿出入盖共甫兄不在宅中别無子弟門 户深潤事有不可勝虞者不惟惰追廢業為不可且廚 究未得恐負太碩人與共甫兄相責望之意特後奉白 客至者談說殿笑度無益於身事家事者少酬酢之則 又疾病如此贏動勢未能出與兄相聚相聚亦思索講 彼自不來矣切祝且温習勿廢使有常業而此心不放 ここう・とこう 明春橋兵 多少其問用心處放蕩幾何存在幾何則亦可以自警 則異日復相聚亦易收拾試思自去冬以來已過之日

一到 好四月全書 矣病倦不勝思慮 卒章順有苦口之言亦不易也當今舊弱宿望中外所 議込江至今未息庸俸命仍日以益衆不知更欲何所 故悼數閱側見於詞肯前此亦聞首為力伸歸葬之請 便中忽拜手礼之賜伏讀感慰不可具言蒙喻千越之 為者清源既不免而信安已擴去近見所上纂述之書 **囤已深數服風詣之高足厲頹俗矣及此重太息也浮** 答王樞使 老四

處此當有定論也此問親為有自千越會差而歸者亦 所税駕也舊有足疾歲須一發自月以來正此為苦加 意自此可以少安而後各餘責侵陵未已亦未知終安 涕而已如其賤迹固不足言而終歲力解催免近職初 得其長子書聞其動息煩詳然亦無可言者但令人陨 倚以開上心正國論者惟明公與盖公而已竊計所以 以目盲日甚重聽有加終日慣慣如土偶人已無復有 生意矣彼何見髮之過即湘西區傍饒率寄示得以仰 į 期馬精集

多次匹库全書 觀非惟健筆縱横勢若飛動而心畫之正結體之全及 白通以來衰病沈綿日就贏頓此凋陨浙盡之常無足 使觀者銀動神球甚大惠也其前此妄意偶及於此而 **為門下言者今因鄉人李正通朝散祗役部下復此附** 壓江山垂示永久湘中學者一何幸即趙機宜得趨幕 愛惜人材隨能器使之妙固無一物之遺也 不敢容易以請趣因饒牢言之不謂便蒙開可遂得彈 十書來極感知遇之意醴陵亦說甚荷容管以見門

譽之顯才業之偉無節之高自謂絕人而謹虚下問至 KILDIN LINE 出入門墻獨計不侍區區之言久已有以處之矣 知之而兒童走卒亦皆知之矣今日得其位而施之其 主比民之心其素所蓄積者固有定論盖不特士大夫 又紫不鄙俯垂訪遠此見高明之度不以爵位之崇名 思慮昏塞其何以辱嘉命然竊以謂知院參政平日尊 如此甚或甚或顧其至愚本無知識加以疾病之餘 八明般有才緩急之際可備繁使之末間亦當 助店續集

扶植善人扶去陰邪不使得乘問隙則願高明於此蓝 加意馬實天下幸甚幸甚老生常談迂潤無取借易塵 先後緩急固宜自有次第但能並以天下之重自任而 **漬伏深槐雅** 勉馬以固其志則天下受賜已不貨矣至於主張公論 閉中不能無為而所讀書又不能隨眾備禮者過日問 祖限甚覺辛苦偶記楊敬仲答人書云恭惟其官 與方伯謨

金少四屋名言

大三日三八十二 陳君樂講究頗詳不知曾與之商量否欲破千古之段 示周禮復古之書其問數處向亦深以為是令得如此 深以為憂遂以其事屬之葉正則不知今果如何也所 讀理人書既飽而嬉甚可笑然亦多看題也 正當不憚子細討論必使無復織毫問以乃為住耳其 區別極為明白但素讀此書不熟未有以見其必然聞 興國盗鑄曲折不知何近聞淮上以此煩洶洶朝廷 答俞壽翁 班處續集

金贝四月在書 衰晚不天長子夭折忽己附年命之痛割無復生意以 復備祠官而不欲以此為名雖已降肯促行却令别入 問忽聞臨漳所請經界議格不行不免自劾廟堂已許 示喻剛氣未能自克之病此正區區所深患方當相與 年無幾自此杜門當不復出矣 文字月初已遣人行計此月中必可拜命六十老翁餘 同謹佩書之戒耳大抵最要平 地未定尚未克莖初被湖南之命即以此解未報之 時講學持養使此心常

之但恐功名迫逐不服赴此寂寞之期耳因書誠蘇多 将於其大者觀之也誠蘇歸袖翻然令人慨想所寄石 也武夷之會乃所深願而未可得者他時踐言何幸如 山屏包此亦足以小試儒者之効矣更真勉旃區區又 祐舊制也奉告且知條教已字物情風動士勘民安姦 刻某偶在山間為大兜治莖兒輩留在家間未及快觀 たこうるという 存義理常勝始有用力之地也此問銅儀見説只一平 側環一望筒只用手轉想見當時草創木盡得元 斯唐續作

然無疑乃敢下語耳永嘉諸人說此甚有與先儒不同 樂然心緒不住又多俗冗苦未得舒放懷抱也周官復 為致謝屬此悲冗未能占布也建陽新居粗有溪山之 以見寄矣其於此書素所不熟未敢容易下語然當是 示及先文所著周禮復古編極荷不鄙往時先文周當 處然煩秘其說亦未得扣擊之也 古正以此經不熟未得深考異時得固扣其說底幾了 一見而決也不謂後來不遂此願至今遺 半四

金贝四月白言

恨況令方以偽學獲罪理朝杜門錯舌循懼不免又安 百過上競欲遣李子住哭之近得玉山書則已過矣前 敢作為文字以觸禍機乎 之伯豐之子乃如此尤可數包耳道夫久不得書為況 季通子約相逐而逝不謂天之無意於善人乃如此每 如何因見致意便遽未及書也方遣人探子約之觀何 念之朝為悲愴不能為懷也昨聞吉南之歸方竊疑 答曾景建

大巴马车人工生了 :

班底結集

自放懶了所以一綱弛而衆目紊也承喻兵蘇忠勇祠 莫亦能自卓立否欲作書慰之以病未能當係後便也 遂為留居之計不知果然否會叔子弟幾人令皆年幾何 朱趙相繼淪沒深為可念聞宜春人欲留學古卜並於彼 作縣固非易事然盡心力而為之公無不濟令人多是 便其人乃子約當寓其舎者也得不浮湛為幸 日僅能扶病一撫季通之柩也廬陂子一書煩為附的 答余景思

於故居甚善甚善但其自今夏一病至重今已累月尚 恐不能無嫌也 敢更承當此事即無近日已辭林子方家墓碑之請亦 大巴印度公告 望矣直卿既歸想時得從容恐講論不能無異同正當 力究有未決者因來輸及不敢不盡鄙懷也 批者既老而後有聞則享用已不能久而無復可力之 閉中 益得觀書當有深趣日月易得願益勉旃若但如 未很常心力尤衰日前欠人文字且辭之未得盡脱宣 斯馬續集 Ī

逐無從調知動息親舊書來亦不能言其詳第切愛數 矣尚何言哉尚何言哉自聞意外之患既解而蓝急地 能以言語自見者三後來教及所示真文則已累盡之 其叩首再拜訴哀叙謝器具前幅而苦痛之懷終有不 悲喜文懷又念常年此時常蒙惠問不謂今歲彼此況 日忽見使人得所思書乃知盲料亦誤中也急拆疾讀 而已數日前得沈應先書乃報云云自是必可伸雪今 與陳同父 KE DIEL WALL 十一二己婦而空矣将來更須做债方可了辦甚悔好 安然觀其意氣橫逸却亦可望賴有此少寬懷抱然每 其婦子却且同在建陽寓舎小孫壮實為厚近小小不 味乃如此又益以悼歎也觀望既息黑白自分千萬更 抱撫之悲緒觸心殆不可為懷也五夫所居眼界殊惡 已得地但陰陽家說須明年夏刀可窓今且礦在墳庵 且寬以處之天日在上宣容有此冤枉事也亡子上益 不敢復歸已就此卜居矣然囊中幾有數百十工役未 斯廣橋集

金少正是人工 謀之率爾也但其處溪山却儘可觀亡子素亦爱之今 洪,宣白哀働之餘哽咽不能自己此兇素知尊慕兄之 有可喜者但恐其務於浮華不欲以此獎之去年到婺 親師友意甚望之既而雖稍懒廢然見其時道言語亦 讀状小兒戲事見必學學必能然已能飘弃去後來得 文此足以少慰之矣更有少懇将來差處欲得數語識 乃不及見此營築念之又不勝痛也真文說盡事情已 之此子自幻秀慧生一两月見文書即喜笑咿嗚如誦

竊喜之日望其歸不意其至此也痛哉痛哉尚恐言之 大三日年八十 七今實到两無云是他人所價此不敢留却封納却可 就請也真禮有水拜謝但來人至江山遇盗煩有所失 此語未當為他人道以老兄素有教誨獎就之意趣以 以書歸云異時還家決當盡捐他習刻意為已之學私 須幸視至木有承教之期惟千萬自爱為禱 送官給還本主也無以伴書白毛布一端住奉冬求之 不朽為武伏惟憐而許之千萬幸甚更一兩月當遣人 遊庵衛集

金り四月とこ 容盡布惟真以時自重不宣 見附於左方矣來喻甚精到但思之過苦恐心勞而生 便中属書為慰信後初寒侍奉住慶所示疑義各以所 **其聞風甚久屏跡丘樊無由瞻奉兹馬假守密邇治封** 疾析之太繁恐氣薄而少味皆有害乎涵養践行之功 -其餘曲折敬子元思以能言今日疾作執筆甚難不 答李繼善孝述 與劉德華允迪

減之思而此間獨仍其舊念欲以此哀告朝廷仰祈寸 某衰病餘生不堪吏事兹蒙理恩强界民社扶曳至此 政化流聞蓝對領政謹因致問布此腹心諒辱深照 澤軟提就借貴邑當來申請一宗文字以為楷式諒仁 民貧凋殘特甚向來貴邑得賢守令力為申請已蒙蠲 不敢為久居計顧念未有以仰報使人之意者訪聞管 人之心無間彼此得檢示去人令就抄録以歸實為厚 一諸縣有與貴邑地勢交錯稅籍很并之處所以賦重

一致定四庫全書 見否已獨其歸塗面叩詳細矣引領以俟至懇至懇 第必有可見教者專人咨請切幸母者法曹經由曾請 其人不奉問鄉往馳情比以郡境枯早異常夙夜憂勞 勞費太畧則又恐有不均之數竊恐貴邑施行規模次 建昌利病恐有所聞幸以見聲千萬至禱 經營似頗有緒但檢放一事未有長策盖太詳則民有 不知所以為計意者君子於臨當不至是也備災之具 是四月 点上

基承示及公文已行下通放美聞貴邑所勘未甚多恐 還自建昌聞元檢放分數過多令又不可失信王星子 聞頗有米市井販衛之家亦可勘論使住雜也但陳法 起官錢遣人收雜将來難畢還錢盖未晚也奉新臨川 不可不早為之所諸司未必可指準此問多是免那合 而官司之計将如之何積憂熏心百病交作求去不得 與毛缘遍行其境還亦言僅可得一分耳民窮固可哀 知所以為計也

欽定四庫全書 之備今再遣陳掾走建昌更令請教陳謹實勤懇同官 **然財賦有經而饑民猥衆雖竭所有以雜不能為旬月** 其數日為江西船栗不下愛害不可言今聞始得少通 中不多得建昌諸人既難深託百里之命正在此人耳 昨見三府懇惻之心形於大墨讀之令人感數不能自 而敬以為請當辱垂念也 切告推誠母隐使鄰道之人均被惠澤而守官者賴以 不得罪於其民固仁人所樂為者是以忘其再二之 瀆 老四年二

意素不相通直敢輕爾干預恐或徒為紛紛而無益也 言者有謂州官檢放但憂郡計之不足不恤民力之己 其 示喻仰見慶民之切不勝感慨但此雖號鄰邦然情 某又聞檢放得實州家悉已施行此見懇側之誠孚於 シュンロミ ノ・メロ **凶者可謂平論聞聖心極焦勞但無如有可出內之吝** 已貴境放及幾分别作如何措畫皆望見教中問小報 下尤深喜慰 班店顧集 苤

多好四月在言 向來當為錢清借道賢德今 之政究心悉力不勝歎仰恨有封壤之拘不得少佐下 其 衰病多故久不得附致問訊然采聽道塗竊知採荒 更得民户自言乃相應耳吾人相求而不相值彼亦果 風也其昨移建昌之栗於都昌此兩日給散方畢遂可 心首談長者林荒之意相與數息錢漕前日通書已道 一奏與之丐賞庶不失信於此人幸甚幸甚孫愈適到 心哉可數可數 一書禱之幸試達之然須

大三司道 八十五 塵可以後伸報效感之多不若愧之甚也 難若郡不恤縣則亦何以責縣之不恤其民乎顏上供 區區然政不須此也敞郡两邑月解千絡自去夏之供 **照知本末假龍從後所以於憐慰藉之者甚厚顧無涓** 給的種種有不可闕者未知朝廷終何以惠綏之耳 循恐将來為縣道之累已悉與削其籍矣今日為縣誠 至今不得一文都中獨力支吾幸不至大段順關前日 其孙拙亡庸不自松度妄意一出竟速顛靡尚賴理明 脚唇續集 支

一中第十行周宇下元有澹字令似脱去恐寫去時脱了 垂示乃知已便刊石木加指摘邊爾流播愧懼多矣記 其昨蒙不鄙委撰義學記文不敢固違草具求教故辱 書之更告詳酌也 字荒淺指意潤陳不審尊意以為如何不知當屬何 植柱之名将來入石只用今所寫去八字書額足矣文 雅意但卒章之意不欲但以勢祭禄利為言故不復叙 某伏蒙垂喻義學記文極荷不鄙謹已畧述數語具道

覺比上句少一字想無害也其大雖都然所叙其文二 事皆可以為世法更欲多得數十本散施知舊庶有能 門,兒子乃云寫時亦當段之曾來請問乃知是古聽字 窺精忠壮烈始終大致少慰生平尊慕鄉往之心甚大 勉某其為分者 不應遺忘恐或刻時失之耳此於大義無好但細讀之 示及先正極密端則少師家傳一通拜受伏讀得以仰 答折憲名知常 珀庵镇集 罕

動灾匹庫全書 前也伏惟於憐及復前說而改圖之使得免於不題之 益勤孝思愈切然在其私計利害之實則不能有如於 幸也顧又重勤台喻以使次輯以記獎道之碑則區區 已具公割干冒公聽幸賜米覽斟酌行下千萬幸甚前 罪衆多之怨則其不勝千萬之幸 所以不敢借易以承嘉命者已悉具前書美令雖鐫戒 **鮂有不獲已之怨事涉鄉問利病勢甚迫切敢忘分守** 與武知府

脚費此尤出於望外下邑餘民荷更生之賜感戴宜如 撥米曲折固知仁民之切無所各於此況又使府自認 罪是以敢布其愚 爾春春私居杜門亦不知其詳細為如何 真不啻若痒病疾痛之切其身竊意樂聞斯言不以為 日迎候之初便紫誨諭仰見仁人之心視斯人 こうこく こうう 西 即儲年行已數日縣郭近封可保無虞但崇化麻沙 一帶素少早田唐石乃全無之只此數十里問尚 脂庵結集

尤切愧恐而不敢自明竊計高明固己洞照其實委至 為幸昨紫垂示報状極荷卷念區區尋亦已拜恩命矣 罪戾彰徹固不可逃然縣宰批罷一事至刀上玷清重 街頗有所假幸唇情照或章疏已報行得赐指為録示 但既鐫罷名書罪籍不知寄禄餘俸合與不合幇勘己 松友生連坐亦家於念委曲周至蓝見仁人之用心然 不可及感數亡已

動成四月石言

聞有臺刻亦既施行而未有被受亦未見章疏遣書著

蒙喻湖北書極荷不外但年來藏拙不敢復與外事又 伯升書言周憲於麟之自有薦論之意而麟之不欲為 應得免貼後日之紛紛也 先夫人高識懿行宜得當世大賢紀述以詔後世而尊 自有衛者此意皆甚美竊謂寧少心之以遂麟之之高 不當共為兇濡之態以野其一簣之功也 戒幹人計會所可更乞台旨稽考法令然後施行恐 答江清卿 **晒庵續集**

1:1

到好四届全書 慕仰之素勉喝其愚以承**尊命謹繕寫納呈幸賜**裁訂 兄過聽誤以見屬自顧淺陋何以稱此然以委重之動 而取舎之乃所願望即不可用不以過存形迹以累先 亦難見効惟有虚心調氣静以養之底或少可補助耳 德之美也向來所苦何族今想已脱然矣細觀妙書知 部綱之役不辭而行甚善甚善親聞慈念固當養聽然 目疾之向平為可喜也然中年氣血非前日之比服藥 答滕誠夫

六十四書作繁卦象辭周公作繁爻辭孔子作象切釋 易傅旦留是正不妨易自伏義始畫八卦畫文王重為 亦可更以王事靡盛之義及復寬譬乃為两全也 上下是為十翼舊說如此承問及之 謂之象多文言繁雜說卦序卦雜卦而象象繁離各分之象通多文言繁雜說卦序卦雜卦而象象聚數各分 與葉彦忠

得面論也大學近修得稍平正前本亦不能無所偏耳

附卷續集

示喻為學有緒尤以為慰且只如此用功旦夕相見却

してこう こくこう

詩傳两本煩為以新本校舊本其不同者依新本改正 金月四月全書 其碌碌如昨無可言者两月來修得數書亦有一二論 讀乃佳着旬日工夫當可畢也 有紙批副在內恐要帖換也校時須两人對看一 說文字甚思與老兄評之而相望邈然又無人抄得徒 進次第如何深所欲聞因書詳及之為幸通鑑綱目 此鬱鬱想聞之亦不無數恨也比來觀書進學誘掖後 答李伯諫 聽

國以後草豪之屬臨行心記說及今想随行有的便旋 火北日本北北 見修者已殊費工夫盖舊者正史不熟倉卒無計頭處 某碌碌之況已具前書通鑑文字近方得暇修得數卷 過開與可喜渠南北事甚熟或取過伯起者託渠料理 付及幸甚唐事已了但欲東漢之末接三國修之底樂 南北朝者伯起不承當已託元善矣度渠以能成之但 有緒易為力耳然伯起者亦尚悠悠近游誠之的強相 班唐續其

破戒甚覺難措辭也此事長沙必能為辨吾人徒自擾 要之此等自非吾曹所當為宜其至此但恨收拾得又 中但齊記未成耳惡札不堪用不若别託善書者書之 計令秋可了見到者餘者望早付及此間杜門山中尚 不好愈使人意不滿耳楊州書已别付通去彼此各是 已認還七月以後息錢矣但書肆狼狽日甚深用負愧 也周翰書詞領倒相與甚至恨未識面耳子禮兄金渠 不能免廣容書問之擾想官下少殿也壁記已在前書

事參考亦頗詳密但晋事最末两三卷未到故前書奉 通鑑諸書全不得下功前此却修得晉事粗定條例因 大臣可与公公司 字數卷來尚未得點勘若得年歲問無出入有人抄寫 亦不難俟卒成之耳宋以後事分屬張元善已修得大 擾未必有蓝弟好笑耳因書亦當督之也 知何故未到俟别摹去近得曲江漁溪象吃舊傳南安 速令承喻已寄少與處以是少與遺下不會送來也此 此甚不難了但恐不得如人意耳六象似亦送少與不 班春橋集

金りいるところ 欽夫此數時常得書論述甚多言仁及江西所刊太極 中語及為幸 抵近日議論語孟解已見一二篇雖無鄉時過高之失 解盖優勒其次起印板似未甚以為然不能深論也大 本殊半厚精彩亦當改正也讀易想有味有可論者便 雖盗跖之言有可取者亦載其中不知作此等文字是 人爱之長沙書來說又分門編本朝事及作論為一書 而寬縱草率絕難點檢不知何故如此無由相見殊使 老四

然否也書肆之敗始謀不城理以至此無可言者既敗 立言要須因人變化而無包含不盡處乃為善言耳向 能復問晦伯必自報去其於此却似放得下但馬謖未 之後紛紛口語互相排擊更不可理會幸已自脱去不 恭問答數條偶當入城未能寄往少懇欲煩為尋訪雁 何意思使人都理會不下因書盖唇與之不知又以為 見欽夫文字病痛正是如此也近有文字數篇及與伯 易根究耳一笑所示近文甚佳但似太高不着題大凡

安常難經說及聞别有論醫文字頗多得并為訪問便 多定匹庫全書 状恐未遣可就付也今日風色甚住而情思益愦愦臨 減税文字不知已遣行未令再遣此人去漕司取申省 向見季通說甚俊敏更能勉力操修以世家學為住耳 風水點不知所言 本示及為幸 答毛朋毒 答趙景兆

就補遠行為禁親計此意甚美然古人亦有所謂不以 乎其大者然後出而應之則得失榮枯不能為吾累矣 **某衰晚疾病待盡朝夕無足言者細讀來示備詳别後** 得於外者為親榮者亦不可不知也 乃可傳也場屋之文固知賢者未能免俗然先有以立 ていう!! ここう 不識高明以為如何 大學文字季通考尚未為定本旦夕當取來更為改正 答馬奇之椅 助馬結果

銀灰四母全書 無甚改易所謂獨立無助者誠然然渠亦豈容它人之 進學不倦之意世間萬事須史發滅不足置胸中惟有 致知力行修身侯死為究竟法耳余正父博學强志亦 敬子堅苦有志尤不易得近與諸人皆已歸只有建昌 散不能得了耳商伯時時得書講論精客誠可嘉尚李 段落注疏却差明白但功力頗多而衰病耗昏朋友星 助也此間所集諸家雜說未能如彼之好然儀禮正經 不易得禮書中間商量多未合處近才見其成編比舊 老四

者竊計方規素定其所區畫必有次第幸家見告乃荷 不鄙也其今年公私之年皆七十矣疾病益泉氣痞滿 南北形象雖在遠方無由究悉然大縣亦可意料目前 問廢之餘固無職事可効但尚忝陪官義當納禄又不 腹足弱筋摩不能轉動跬步之間亦須人扶乃能自致 固為危機交急之時其為長應卻顧亦豈一無可施設 一吕在此蚤晚講論粗有條理足慰答寂也 與王無州阮宇南鄉

大巴马車 /山木

此度簡集

. 里

也此人趙雯相隨頗久今因其省親江淮問附此問訊 樂想見彎弓盤馬横槊賦討正自不減當年湖海之氣 兄氣體從來清健今尚只如舊時否宣布之餘何以為 竟復如何然幸已少伸已志即此外一切不復計也老 敢自通院奏懇求州郡累月僅得一申省状方此發去 其人恐有可驅使處得隸截下幸甚 而聞臺評己及此事其問詞語不無深意矣未知所請 與長子受之

大三日年公里 ! 不得自擅出入與人住還初到問先生有合見者見之 -晚授業請益隨衆例不得怠慢日問思索有疑用册 處思省要切之言逐日割記歸日要看見好文字録 語須要諦當不得與笑喧譯 外不得出入一步居處須是居敬不得倨肆惰慢言 取歸來 子隨手智記候見質問不得放過所聞海語歸安下 不令見則不必往人來相見亦於專然後往報之此 斯店頑朵

交遊之間尤當審擇雖是同學亦不可無親疏之辨此 凡事溢恭不得尚氣凌人自取耻辱 不得飲酒荒思廢業亦恐言語差錯失已忤人尤當深 戒不可言人過惡及說人家長短是非有來告者亦 者益友也其論談輕薄傲慢張押導八為惡者損友 皆當請於先生聽其所教大凡敦厚忠信能攻吾過 勿酬答於先生之前尤不可說同學之短 也推此求之亦自合見得五七分更問以審之百無

見人嘉言善行則敬暴而紀録之見人好文字勝己者 大きるる とき 忙苦是取不拘長少 革之不可任再漸習自起小人之域如此則雖有賢 所失矣但恐志趣平凡不能克已從善則益者不期 則借來熟者或傳録之而咨問之思與之齊而後已 師長亦無救拔自家處矣 既而日遠損者不期近而日親此項痛加檢點而矯 以上數條切宜謹守其於未及亦可據此推廣大 斯库續兵

金好四月白言 松只是勤謹二字循之而上有無限好事吾雖未 然今遣汝者恐汝在家泊於俗務不得專意又父 足可讀書作文講明義理不待遠離膝下千里從 雖不欲言而未免為汝憂之也盖汝若好學在家 敢言而竊為汝願之反之而下有無限不好事吾 子之間不欲晝夜督責及無朋友聞見故令汝一 師汝既不能如此即是自不好學已無可望之理 行汝若到彼能奮然勇為力改故習一味勤謹則

到婺州光討店權歇泊定即監衛具刺去見呂正字初 大三日中 公島 來又只是舊時伎俩人物不知汝将何面目歸見 禮合展拜儘紫收留伏乞端受便拜两拜如未受 爾所生在此一行千萬努力 父母親戚鄉黨故舊耶念之念之夙與夜寐無私 吾猶有望不然則徒勞費只與在家一般他日歸 見便專其以大人之命遠來親依先生講席之下 即再致懇云未蒙納拜不勝皇恐更望先生尊慈 班廣橋集

特赐容納況其於門下自先祖父以來事契深重 切望垂光又再拜起問寒暄軍又進言甚晚學小 慰幸坐定茶畢再起叙晚學無知大人遣來從學 生久聞先生德義道學之盛令日幸得瞻拜不勝 **瞻拜即中公几庭今有香一姓令其拜獻今參拜** 之意竊聞先生至誠樂育願賜開名使某得早晚 出書投之又進說大人再令拜專限以地遠不得 親吳不勝幸甚又云來時大人拜意有書投納即

大きう ここことう 艾布弃明時限以地遠不獲奔慰不勝條槍之私 亦有書并供來日請見面納揖退畧就坐又揖而 起如問完事即隨事應答如将來宿食次日将香 拜記拜其兄弟两拜追說大人致問昨聞郎中丈 瞻拜更俟尊命如引入即請靈前再拜焚香又再 再去仍具利并以利謁其弟問名同居有幾子弟 兄弟告拜 茶罷便起禀其昨日禀知乞請靈筵 之初未敢遽請容來日再請門下令第宣教大人 海馬續集

何丈托問婺州寄居前輩有姜子方者是李中書之 金月四月五十二十 官令其家有何子弟 在婺州住建炎問曾從以殿院仲辟為撫喻司屬 令其拜禀切望以時節哀為道自愛又再拜超出 緩抵且即 宅已 安如 不禮 去借 屋自 泊問 宇有 大礼學宿 要數 侯人 午出 安書 間去 下與 張務 皇要 意食不去 颠苯 再併不之 去問知只 錯謹 見其 尊欲 敢處 詳 問兄意就以即 亦之何閒 恐艾 如如如房两教 此不令舎不投 説問相或 稳計 大即 見近 便借

問見先生說吾問宗留守家子弟聞多有在婺州者其 ノニラー ノニラ 寺五月初間藝儀叛兵燒處州入龍泉買舟倉皇携 亦是曾侍中作呂家必有本也 家記録留守公事順詳不知可託借傳一本否莫誌 敵騎自江西入邵武者遂棄所攝携家止政和萬壟 松奉壤子幸安小五娘九月十五日午時免娠生男 子幸皆安樂自去年十二月初在建州權職官間有 幸森與祝公書跋 ... **梅庵續集** F

家下南劍入尤溪而其自以单車下福唐見程的在 賊兵已在十數里外矣幸一舎弟已搬家深趣是日 甚急又匆匆自問道還尤溪六月十四日早到縣而 福唐聞城兵破松溪隘殿殿東下已入建州攻南劍 縣更不駐不甚害人亦不縱火家中上下幸皆無恙 即刻與縣官同走至家問所避處城在延平為官軍 所破倉皇自山路欲渺下漳泉至此非其本心也過 而隨行及留寓舍中衣服文字之類皆無所損失比

火上口日 1 者出沒建劍之間其衆數千官軍遇之軟清諸可不 會稽來必欲進討昨日方報大兵冒珠入城果喪失 免請官招安已還狀受搞設将散其衆無何大兵自 以一毫珍幣自隨乃為上策此中雖城居但日夕為 其故度切近江湖其可憂當不啻此惟聚糧深避勿 安此懷如何得程壽隆近書云鄉里頗擾擾不詳言 數千人城势又震大器自今夏以來未當有一枕之 他人為尤幸也七月間方還家而願寧土冠范汝為

之間如此者更幾時而後定邪來書謂甚懶於從仕 避入深山之計生意草草凡事苟且不知百年未滿 非也中世士大夫以官為家如農夫之於田其敢情 奉報晉道師福辟得一員屬官須京朝官大年又未 是以且此路藏意亦欲俟來春無事一走會稽别當 五月道里有遠近便不便携家即厚費獨行又非便 邪但未能赴行在問題中所有不過權局遂不過三 曾參部一切差遣皆礙是以皆奏差也表四久此頗

大江山田 八十四 食而夜宿客舎然地遠難得人力來住彼此資以通 復可耐令此後來察其意色不復可制蓄每日來就 耗且羁縻不絕猶並尚可鞭策耳方賊至六月間在 忠戆可任既忤逢年當擾攘中遂不告而去情理不 唐未還又云賊破福州皆妄言也婺源先廬所在興 村中東四亦在放數使人呼之不至却妄云甚在福 **北大定歸未晚也** 寐未當忘也來書相勘以歸當侯國家克復中州南 城棒續集

敬書其後而歸之紹熙癸五十二月七日孤朝散郎秘 始生故書中及之今六十有四年棒玩手澤涕血交零 内弟祝康國出示先君子與外大父書惠之不肖於是 金少四尾名言 時方二十一二歲耳筆力豪壮不減司馬相如也幸亦 梗縣欣然領解故書蘇子瞻昆陽賦異之子瞻作此賦 為兒甥讀光武紀至昆陽之戰喜問何以能若是為道 閣修撰主管南京鴻慶宫熹謹書 跋韋齊書見陽賦

淡淡炊烟村遠近襲擊儺鼓埭西東三人古路殘無裏 感為之法然流涕不能自己狼害此以示兒輩云慶 登高丘氏之居暇日手書此賦以授喜為說古今成 敗興亡大致慨然久之於今忽忽五十有九年病中 因覺蘇集追念時昔如昨日事而孙露之餘霜露永 紹與庚申熹年十一歲先君罷官關行朝來寓建陽 九戊午四月 朔旦 跃陸務觀

KIND THE LINE

脂毒績集

天寒寂寞離門晚又見浮生一歲窮 由清江淡霭中外物已忘如敝屣此身無伴等羈鴻 樂中有憂者而深悲之放翁之詩如此後之君子 季礼聞歌小雅而識其思而不貳怒而不言者近 世東坡公讀柳子厚南澗中題乃得其憂中有樂 其必有以處之矣慶元已未七月二十日雲谷老 觀陳希真所藏為記其後 跋魏丞相使金帖

大艺可具心野 諱之後棒玩推裂涕泗交零謹拜手稽首而識其下方 書春公之深謀壮節猶幾不足以成之豈與事造功之 内修政事外攘夷於很文武之境上會諸侯于東都此 果為不易耶公之子能夢出此宸翰以示臣喜適當奉 壽皇帝當日之本心也屈已和我宣其獲已然非丞相



欽定四庫全書時產續集卷五

集部

詳校官庶吉士臣朱 理 主事臣吕雲棟覆勘

校對官中書臣葉 總校官無古士臣倉聖脉 謄録監生 臣周 蒯 豹

大門司祖人士 成仁若比干諫而死夫子稱其仁所謂殺身以成 而取義全其心之德也故足以 斯庵續集 之德也故曰害仁理當死 炳以為理當死而求 撰

金月四月石十二 如何氣象方見端的 更思之 此說得之然更要見得失其心之德全其心之德各是 也雖死不顧只是成就一个是而已使比干當諫不 諫而的免於難則求生以害仁矣未知是否 君子義以為質禮以行之孫以出之信以成之何故 有一言可以終身行之者其恕乎已所不欲勿施於

此說固善然被排擊遭按退決非已心之所欲令乃欲 大江 Trace Little 知是否 敢排姦恩為宰相則不敢退小人皆自以為恕而不 則不敢擊豪疆為監可則不敢按贓吏為臺諫則不 而孔子無能惡人言之城謂恕字亦當如此體認未 母以事上宣姑息之謂乎夫仁者謂之能好人可也 知恕者如心之謂也所惡於上母以使下所惡於下 八今之人多以姑息為起且自居官者言之為州縣 **尚奉續集**

動猶動民以行不以言之動禮只是在已者 施於人又何以為如心乎請更推之 相重城間端莊不慢者敬心之發躬行之事也所謂 陷仁而死者也集注之說曲折雖多然詞意精密發 民之於仁也甚於水火水火吾見蹈而死者矣未見 民孝弟者是也未知是否 禮者化民成俗之具若為之冠昏丧祭之品節以教 莊以治之動之不以禮莊敬者禮之容也两的意段

殺身成仁路仁而死同異如何更思之 火红河 日本 者亦非欲其稱盖終不欲見之耳遇諸逢者乃不期 謂不如集注之說未知是否 如程子殺身成仁之說與上句合矣而地位不侔妈 明聖人勉人為仁之意最為累切有功或問節取范 陽貨之惡如此理人恐無不終絕之意時其亡而往 氏之說詞雖平而意則緩且未見蹈仁而死一句與 上文不相應如范氏仁不傷人之說則與上句不合 班馬續具

金りてしたとうで 恐未然 四者固性之綱維然其中無所不包更詳味之 而會不可得而避非得已也未知是否 質雖有偏正昏明純駁厚薄之不齊然禀生之初未 伊川先生云性即是理好謂所謂理者仁義禮智是 甚相遠也故謂之相近至於上智之所以為智下愚 也未知是否 子曰性相近也又曰惟上智與下愚不移夫人之氣

氣象雖相近然亦有如是縣絕者盖既曰氣矣便有此 不同不足性也 Kandana Kinna 之所以為愚亦皆其氣質使然既謂之相近矣何故 吾宣匏瓜也哉馬能繁而不食集注云匏瓜繁於 又有上智下愚如是之懸絕也 處而不食物古注云言勢瓜得繫一處者不食故也 然匏瓜未當不可食而謂之不食物何也 吾自食物當東西南北不得如不食之物繁滯一處 游店續集

孟月四月五百十 不食謂不求食非謂不可食也合俗猶言無 章為得其要盖公山之名而子路不悦夫子雖以東 之名又舉其所聞以為問其自信不茍如此學者木 周之意諭之而子路之意似有所未安也故於佛於 公山佛肸之名諸家之説善矣愚必以楊氏解佛肸 以理人體道之權籍口恐有學步邯鄲之患也未知 至理人地位且當以子路為法無乎不失其親不可

得之 大型 Dungt Links 如狂不直何不愿之類 為猶學也 故能詐 重經意恐不然也未知是否 同者何故若曰告之教之則是為之也說得為字太 今之愚者許而已矣智則能許愚者本無智巧也何 人而不為周南名南横渠先生之説所以與諸家不 助店轉集

此以發之子責本能無段故夫子曰天何言哉四時 予欲無言盖夫子以子貢再求之於言語之間告之 大意却似說無隱之義至其言猶患門人未能盡晚 子所論孔子之道如日星一段雖引無言之文法其 盖四時行百物生所謂無隠也程子之說盖推明大 故曰予欲無言夫恐其不能盡晚當更告之而曰予 行馬百物生馬盖欲其察之於踐履事為之實也程 欲無言何也或曰子欲無言一章 實無無隱乎爾之義

有此意 見得分明也 恐人不能盡晚而及欲無言超得甚好更熟玩之當自 旋自然中禮未知是否 好是否 息故百物各遂其生聖人之心純亦不已故動容周 四時行百物生兩白自為體用盖陰陽之理運行不 子故發子貢之意欲其求之於践履事然之實者未 ī

欽定匹庫全書 得失得失又有重輕 短丧固是不仁然其不隐不害為忠信此一事而無有 在理門雖列於言語之科然泉公問社而有使民戦 家之說或謂至親以期斷而宰我欲質其所知有段 宰我追理人之門而有短丧之問不類學者氣象諸 如此則宜有短喪之問也未知是否 栗之對方畫而寢夫子有朽木糞土之譏觀其地位 而不敢隱所以為宰我盖欲聞其過也炳以為宰我

見惡亦謂有可惡之實而得罪於能惡人者非不善者 恶之之謂也 年四十而見惡馬其終也已聖人立言之意固是勉 有特立獨行之士不狗流俗東火產嘲共罵何為而 人及時進德然鄉人之善者好之其不善者惡之尚 柳下惠二點而不去其言若曰尚以直道事人雖適 不見惡學者亦不可不知也未知是否 他國終未免三無若肯枉道事人自不至三點又何 府處衛非

到庆匹库全書 得之 接與歌而過孔子盖欲以諷切孔子孔子欲與之言 為和而不知其所以三點者之為有守未足以議柳 點為辱也此其所以為和而介與若徒知其不去之 必去父母之那觀其意盖自信其直道而行不以三 則趨而避之孔子使子路問津於長沮禁溺固将有 以發之而二人不答所問傲然有非笑孔子之意至 下惠也未知是否

次足可奉公里 見之則先去而不願見矣數子者若謂其無德而隐 食之見其二子馬其親之厚之如此孔子使子路反 於荷篠文人知子路之賢則止子路宿殺雞為泰而 危邦濁世道既不行亦未見其必可以仕也特其道 則祥在耕耘以避亂世澹然不以富貴利達動其心 而確然自信不移若有所得者若謂其無故而隱則 止於歸潔其身而不知理人所謂仕止久速者知所 謂無可者矣而未知所謂無不可者也故其規模氣 班長時具

多りいる とこて 沮溺荷篠亦非中行之士也 無道而隐如遠伯玉柳下惠可也被髮佯在則行惟矣 是否 象不若聖人之正大若以素隱行惟視之愚意未知 於何處見得柳下惠遺逸處 柳下惠為士師三點而不去所謂降志如不去之類 所謂唇身如三點之類然理人列之於後民者不知

次定四事人 謝說不通故或問中辨之文意分明不脱字也 來往也其說與經文不通炳所録或問解此段內有 竊意其說若曰君子所以厚於親黨者特欲不失其 其為親而已宣有施報往來之意也謝氏之意不明 親親之義而已宣有施報來住之意猶言宣望施報 君子不施其親謝氏日對報之謂施如親黨特無去 两句云人之所以害其親親之思者其失在於望報 而不在於施炳謂施字上漏却不字未知是否 湖廣續集

雜美 イラリビルノニア 不容說者未有性之可言不是性者已不能無氣質之 明道先生云人生而静以上不容說才說性時便已 已不是性未明其古 不是性人生而静以上何故不容說才說性時何故 每言虚言靈或言虚明或言神明孟子盡心注云心 孝述當求夫心之為物竊見大學或問中論心處每 答李孝述繼善問目

ところき これる 舉心之存亡出入集注以為心之神明不測竊以為此 者必不固於形體而非粗淺血氣之為竊疑是人之一 上精靈成物事不知可以如此看否考述又當求所以 似必有此而後有精神知覺做得箇活物恐心又是身 身种氣所聚所以謂之神舎人而無此則身與偶人相 無言心之體用而盡其始終及覆變態之神夫其本體 之通靈如此而其變態之神妙又如此則所以為是物 人之神明竊以為此等專指心之本體而言又見孟子 斯馬絲俱

才尋求着又在故學者須自為之主使此心常有管攝 患不自做主若自家主張着便在不主張着便走去及 收住後放去放去後又復收回自家可以自作主宰但 心雖是活物神明不測然是自家身上物事所主在我 百四病皆不由自家則是心類教由自家以此似見得 云人心須要定使他思時才思乃是明道亦云人有四 又云如一箇翻車每每教學者做箇主或云立箇心又 存是心者竊見伊川言人心作主不定如破屋中無鬼

培養之然後積漸純熟向上有進步處 理固如此然須用其力不可以做好話說過又當有以 Kr.Janat Kralin 東得來謹密正是着力做主處不敬便掉放疎散不 敬而已矣又似見得要自做主宰須是敬盖敬便收 方得又常求所以為主之實竊見伊川論如何為主 復做主了考述於存心工夫又粗見如此不知是否 孝述按大學章句云明德者人之所得乎天而虚靈 不財以具衆理而應萬事者也竊殺人得正且通之 斯庵續集

是體虚所以透明心亦然濂溪云静虚則明明則通 氣故心體中虚虚則靈如水之清火之明鑑之光皆 方寸之內體無不包用無不通能具眾理而應萬事 有滯礙更不通快是以竊恐虚故靈心惟虚靈所以 似亦可見近驗之於心則日用問覺得一事累心便 本體故理之在是者遂有所敬而應事接物亦告雜 但以氣禀物欲之私有以昼之而不得全其虚靈之 以私欲不盡出於義理之正是無以具衆理而應萬

5/1. To /11/1 其虚靈之全體盖心既虚靈則寂然不動感而遂通 事矣學者之學恐口是求去其氣稟物欲之昏以復 言明德工夫又不過欲全其虚靈之體言存養則曰 明明德為主章句或問之言明德必以虚靈為質其 於所謂具眾理而應萬事者得矣是以大學之教以 表東洞然無所不盡言誠意則曰人之本心至虚至 之中言格物致知則曰人心之靈莫不有知而欲其 理人設教使人嘿識此心之靈而存之於端莊静

多贝四月在言 同上 言正心則曰心之本體湛然虚明而欲其順應事物 靈泉理畢具而欲其應物皆由此心以發而無所雜 知是否 恐虚靈不昧刀心之所以為心而聖學之基本也不 則似亦主虚靈者為說徹頭徹尾許多工夫告欲全 此心之虚靈以融會眾理酬酢萬事而已以此觀之 而無所動言修身則曰隨事省察之以審其當然之

理固如此然亦不可如此屑屑計功效也 NAUDIN LILL 時别是一般精神如醉醒寐覺不知可以言存心否 事則一身之内如鼻息出入之麗細緩急血脉流行 聰言則有倫動則有序有思慮則必專一若身無所 考述自覺心放時精神出外更不自知如夢然才知 孝述覺得問當心存時神氣清爽是時視必明聽火 得放時即是心便不放了如知得夢時即是夢覺孔 問或沒滞者而有鐵微疾癢之處無不分明覺得當 脂庵續集

金少四月五十 是是但說太多了 繁之久恐此心只得住裏面如欲睡底人須自家打 来則其懈時之放自不得遠去且不得久去如此維 子言我欲仁便是仁至似亦此意故日用問覺得直 擺灑起來不容睡著每每如此自是睡不得思見如 起精神不可放倒間或精神後時不覺坐睡又自家 須謹操持勤無監 操持容有懈時若不測地猛省起 此不知是否

孝述謂健有為順無為一者陰陽動静之分仁禮之 為健義智之為順竊疑仁之發即有怵惕惻隐之意 外故仁恐為動之始以斯致 指春之生物萌芽甲 動於中頭然不知禮之仁即有恭敬辭遜之容者於 之裁制使隆段厚薄各適其分似有裁節又收飲之 大莫不盡見義則所以制仁禮之宜盖即其中而為 拆方動而微禮恐為動之極猶夏之長物而長短小 意雖客有所為其亦嚴且約矣智但分别是非當不一

欽定匹庫全書 横渠先生曰虚静者仁之本亦此意 此元亨利貞所以循環之無端也 極猶冬之藏而歸根復命妄意推測如此不知是否 義恐為静之始猶秋之收而去華就實智恐為静之 畧無作為又所以為動之本而仁禮之所由發也故 思見陳於上矣復以合而言者求之竊意仁義禮智 分而言之者有合而言之者孝述於分而言者已随 孝述又見先生答首寺丞健順仁義禮智之問云有

當時之意恐謂分則為四合則為二耳然如所說又自 是一意即所謂水陰根陽火陽根陰者 陰静之意二者恐是健中有順義之我制方嚴似有 之心似有柔順之意禮之品節一定而不可易似有 為順若論其所以為是四者之實則仁是人之不忍 若以用言則有有為者有無為者故仁禮為健義智 順中有健於此可見陰陽本不相離之意不知是否 剛斷之意智之周流不滯似有陽動之意二者恐是 的卷演集

多灾四庫全書 水寒火熱水下火上其為動静之分者明矣 孝述又謂木火之為陽動金之為陰静皆可言若水 當為陰静之極然水流而不息未見所以為至静處 而不相配今隨愚陋所見言之五常之未發則本體 不知當於何處觀之 考述妄謂五常是五行之德五行之氣其行於天者 固未易見若質之在地者竊規與德之在人者無往 中存恐如水之在山火之在燧金之在礦水之在地 基五

とこうこくしょう 在不同則各隨其所成之行名之而不得復以五常 之情恐如火之出而炎上水之流而潤下及由其情 充積成行如仁之為孝為弟為睦為州之類恐如木 土之未動及其既發而有惻隱羞惡恭敬是非誠實 水之為池沿江海土之為博及墙壁故五常之未發 名矣恐如五行之未動只可謂之五行而不可以它 只可謂之五常而不可以萬行名及其發而成行隨 之為棟梁榱桷火之為燈燭炬燎金之為刀斧盤盖 脂度續集

物名及其動而為物有萬不同則各隨其所成之物 之體亦未當不存恐如五行之方具而萬用之質已 名之而不得復以五行名矣但方其為五常之性也 而萬行之理已無不包及其為萬殊之行也而五常 得去但水之曲直金之從革土之稼穑皆侍人為而 乎地上而無非五行之為凡此雖未知是否似皆說 極而言之則人道周乎四海無非五常之為如物充 無不全及其為萬殊之用而五行之體亦未當不立

其物雖不可以五行名然其分各有所屬則亦未離其 説 配不得又土之稼穑與考述所謂為時尾之類又說 智信之行皆未見其實然可指之目得非四者之行 可以配說而未得其說耶仁之行固有可言若義禮 無往不在而不可一一强名耶區區求之而未得其 不上不知五行之與五常本不可如此牽合耶為後

仁之惻隐義之羞惡信之誠實皆發於性之自然相

類也萬行之於五常亦然從革曲直稼穑是亦本性之 金曲直子 發非人之所能為也若曰人為則胡不能使木從革而 次物仁恐始於愛身禮恐始於敬身義恐始於制此 孝述妄謂仁義禮智之施恐皆自吾身始次親次民 故处不敬親而亦無以敬親至於義智皆然妄意如 絕故处不愛親而亦無以愛親不敬其身則是自賤 身之宜智恐始於明此身之禮盖不受其身則是自

見矣 孟子之言為仁之本仁義之實者觀之其當自親始可 身者仁義禮智之主不可書當作該施由此始以有子 孝述安謂仁義禮智合而成行其發也竊起先智次 心知愛之而不恐傷則必敬之而不敢忽愛敬既生 四肢百骸血氣皆相貫属吾所當愛然後有自愛之 此不知是否 仁次禮次義且就身言之恐必知此身受形所自而 脂唇质焦

|銀灾四库全書 甚而有把捉不定之患及不得其所以為敬此愛敬 方可裁制其宜以全爱敬之道若獨指心而言亦恐 能痛自克治反非所以為爱敬而失宜則恐持之太 失之既愛既敬然後有可得而裁制者益愛而失宜 則或至枯守不用而為虚無寂滅或只知養護而不 之而不肯甘心放棄則以嚴敬自持而惟恐以慢易 火先知此心至靈至貴為一身之主然後自愛既愛 各有其宜而必有斷制之者然未愛未敬則恐無於

施其裁制之道自暴自棄則又無後莊敬自重之心 自愛之意區區之愚所以程是四者之發以有次第 然並發之理然知識一開則餘三者踵乎其後自有 而不可紊也若未發之前則四者之體渾然在中不 不知身心之當愛則恐雖傷之而頑然不省宣復有 之實無一不在以其本一理故也若以四時言之則 不容已者是以既發之後則即其一行之中而四者 可謂先有此而後有彼但方發之際勢必有序無雜 脂店續集

多好四届全港 在以其本一氣故也以此觀之則仁義禮智合而成 然冬今既行則三時之斷起亦有不容過者是以造 發生之本發生者長養之漸而生長又所以為收成 恐智為冬藏仁為春生禮為夏長義為秋成歸藏者 化既成之後則即其一物之微而五氣之功無一不 非至此而序生但氣之流布則其序必如是而後可 之體也夫四時者五氣之布五氣之生定於其初恐 行其發之先後亦有可言者妄意如此不知是否

此即前循環之說然說得太破碎又不好且静以養之 孝述竊殺人物之性有偏全之異者不知是受得本 賤之殊以其氣而言之云云是則所謂明德者也 大學或問云以理而言之則萬物一原固無人物貴 所賦為命物所受為性恐是受得已不同盖理之在 同但做處不同為復是受得本不同乎按伊川云天 天本只是一箇渾然全體但人物隨形而受故受得

大EDINE LI MIS

的康輔其

まりはたといて 來別人得形氣之正故承當得盡物得形氣之偏故 承當不盡偏底物事難為有全底道理孟子集注論 所得而全似亦此意人之形體受盡得這道理所以 故心虚而體全心之知覺便周流貫徹在處通得去 亦做得這道理盡物之形體受不盡這道理所以亦 生之謂性處云以理言之則仁義禮智之禀豈物之 只随其所受做得更就其做處言之人得形氣之正 形之運動便干變萬化是般做得去是以於其理之

大型 Table Later I 可參天地皆為有此體質儘做得但患不為或為之 精微知亦知得盡做亦做得盡人之所以可為死舜 狹而不能周是以於此理之本體知亦知得淺狹做 而有不充却無不能之理是不為與所謂有是四端 所為不得如慈鳥父子螻蟻君臣之類若論父子君 亦做得淺被被形氣局定更開不來所以求為人之 而體拘心之知覺便拘礙而不能通形之運動便短 由義恐時是安於不為者 物得形氣之偏故心塞而自謂不能再身不能居仁物得形氣之偏故心塞 **斯庵續集**

盡其全體又為氣昏隅在裏面發處復不能充其所 受此理不盡若隨其所受而發則仁義禮智須告做 得出來然所舉二物又每物只做得一般道理出不 得之分劑是則容有得為而未為者此二物又是昏 能相魚以通其全如此者恐是物所得之理既不能 此恐又是人與物做得别處然又有可疑者盖物雖 臣之道宣止如慈烏螻蟻之為但此二物所知只止 此所能亦止此更去不得了就其所得之分言之如

相乳之類温公集中亦說有一猫如此而加具馬此其賦 亦說人有近物之性物有近人之性者又是一理如猫 既是不會受得自是不能做得更不須說然横渠先生 見於其他道理便全微了至其餘物又或不能爾此 塞中各有一點明處所以各發得一般道理特特著 當妄意指量然須墨識其梗縣才隨所見寫呈乞賜 開示大端使知所向而求之底乎其思識矣 可見物之氣禀又自有不齊處此等性命之說固不 時處續集

Trust Liter

性之近人而或過之但為形所拘耳亦可悲也 禀馬所謂人物之生必得是無然後有以為百骸九 得其偏且塞者為物是也至極其變則恐偏正之中 两等而為人物貴賤之分所謂得其正且通者為人 察五臟之身是也若別其,體則恐一氣之中有偏正 陽五行提其大全而言之則恐同出一本而人物均 故其所賦之質又有智愚賢不肖之殊孝述竊謂陰 又云然於其正且通之中又或不無清濁善惡之異

中又不無清濁美惡之異故其所賦之質又有智思 又自是一般與餘氣之濁惡不同以其是正且通之濁 賢不肖之殊者是言人品之異也盖體之既分則固 是固不能齊也但用變而體不變故人之所專雖或 又自萬殊而為人品物品之分所謂於其正且通之 至濁至惡而所謂正且通者未當不在而其為濁惡 頃之間變為萬狀彼人物之生各隨其所值以為體 一定而不可易矣然恐是氣之運一息不留所以俄

欠正可是 二十二

助馬騎兵

此大縣然矣亦宜并以上章之意推之 自化耳妄意推測如此不知是否 則所謂正且通者即得其本然之正矣爲獸草木各 惡故其濁可澄之為清其惡可易之為美既清既美 氣言剛柔美惡以氣之為質言清濁恐屬天剛柔美 孝述謂美惡恐即通書所謂剛柔善惡竊疑清濁以 以類分而母類中又有等色不同然其形聲臭味各 不能變其本體則亦與人相似但人能自化物不能

人にこうにんない 偏若中庸稱舜知回賢是也下此則所謂智者是得 善而或不足於清於是始有賢智之偏故其智不得 無不清上智恐以清言大賢恐以美言其實未當有 賢不肖上智則清之純而無不美大賢則美之全而 盖清濁美惡似為氣質中陰陽之分陽善陰愚故其 為上智其賢不得為大賢雖愚不肖恐亦自有等差 清之多而或不足於美所謂賢者是得剛柔一偏之 惡心屬地清濁屬知美惡屬才清濁分智思美惡分 胸庵續集

金罗四月石潭 陳了翁云天氣而地質前輩已有此說矣 運行交錯則其美惡却各自有會處此上智下愚之所 一氣之始固無不善然騰倒到今日則其雜也久矣但其 氣錯揉萬變而大要不過此四者但分數祭五不齊 孝述又疑氣之始有清無濁有美無惡濁者清之變 逐有萬殊不知是否 則所謂變化氣質者似亦所以復其初也不知是否 惡者美之變以其本清本美故可易之以及其本然

以分也 たれるうしい 恐亦隨在而有盖此心或的著於照静一之時如 時直是的者不與物雜於此而自識則本心之體即 得其真矣上蔡謂人須是識其真心竊恐謂此然此 孝述竊謂覺是人之本心不容泯沒故來問發見之 之之端也 又云然而本明之體得之於天終有不可得而昧者 云云所以使之即其所養之中因其所發而於其明 脂庵铺集 Ī

金贝四月全書 而受命凡此恐皆是覺處若素未有覺之前但以為的喜者或索之論講而恍然有悟論一本之說遂無得一两或索之論講而恍然有悟如夷子聞孟子極 隐之心或求之文字而怡然有得有讀論了後其体惕側或求之文字而怡然有得如伊川先止所 且之無或發見於事物感動之際 独五升言 肯甘心以其虚明不昧之體迷溺於平污尚縣之中 必至覺時方始識其所以為心者既嘗識之則恐不 已有是心而求以存之恐昏隔在此不知實為何物 此所以汲汲求明益不能已而其心路已開亦自有 井人

所論甚精但覺似少渾厚之意 所止又或問以定静安為知之所以得之故孝述<u>竊</u> 孝述謹按章句以物格知至為知止意誠以下為得 **段定静安在物格知至之後意誠以下六事未然之** 竊段覺為小學大學相承之機不知是否 可進步處與未茫然未識指趣者大不侔矣故孝述 愿感而后能得 知止而后有定定而后能静静而后能安安而后能

跃定四車全書

湖唐楠集

解中似已有此意矣 有以得其所當止者而止之又云知是知其至善之 孝述又按或問云不有以知其所當止之地則不能 静安處在知止得止之間似皆有可實之處不知是 前應則在意誠以下六事将然之際如此言之則定 所在得是得其所止之地而止之考述竊疑知是知 之在彼得是得之在我得則心理俱融理為我有得

知與得兩事經文可見 實才得之則身亦隨之矣妄意如此不知是否 恐亦只是知不可便指為已止其處但恐知虚而得 精加審慮然後始無纖微滲漏之處此知後必慮然 容有毫篇之未察或所接之際事後異宜故必於此 知之至慮是審之詳夫物格知至則萬理貫通固無 孝述竊疑知之後復有所謂慮而後得者恐知是 不知其至善之所在然恐身有未接則其義理精微

| 耿定四庫全書

班唐橋集

勘合也 定静安是未有事時骨次洒然處是正與事接處對同 事物之實以運其知思然後其明有可通之理盖 物欲有以蔽之是以其明不能不昏欲開其明須籍 孝述竊謂人之本心至虚至靈無所不照但以氣禀 致知在格物 後法審不知是否 心既有蔽無從下手以開之所以窮究物理者恐是

人三日二日 一 政事為專 先生回思曰唇思慮久後唇自然生又回致思如掘 窮至事物之理即所以推極吾之知識也不知是否 其明自出考述恐所謂致知在格物者亦有此意盖 說似皆以為人心之明既有所蔽須即事致思然後 并初有渾水久後稍引動得清者出來久自明快其 因窮究其所未知而将此心憂刮擦磨治其魔都而 而出而物之理亦無所過矣此其所以能格也伊川 反覆往來求出其明是以研窮之深其明必将穿漏

金少四是名言 物不見理故心為物蔽而知有不極不見物故知無所 蔽而心得其全 理有未明則見物而不見理理無不盡則見理而不見 孝述竊疑心具衆理心雖昏敝而所具之理未當不 為吾心素有之物大理在吾心不以未知而無不以既 在但當其敝隔之時心自為心理自為理不相贅屬 外之理而吾心邈然無之及既格之便覺彼物之理 ,物未格便覺此一物之理與心不相入似為心

極是 大正司祖公由司 或問云或者之事為之者或家之念慮之微者述竊 本無此事而孝述所見之謬耶 善端之崩處於此考察則心亦不遺可以得理之真 謂事為是身之所履善行之者處念慮是心之所發 知而有然則所以若內若外者宣其見之異即抑亦 用互有好殿似難於着力然或問又云人之明德全 實然當事為念應之時又欲着心考察則是一心二

金少四是石雪下 體大用無時不發見於日用之間人惟不察乎此是 有不恐人之心然物欲害之存馬者寡故不能察識 事為之形念慮之起自然點有所見若此心尋常逐 赵恐所謂考察是此心常常反求不教外馳心存而 而推之政事之間則又似必着意體察然後有見考 以泪於人欲而不知所以自明孟子集註云衆八雖 外不自管顧則雖間或真心見前亦不知其所發非 不外馳則精神知覺常只照管自家步步不離所以

之決耳 不必如此說只是隨處理會是與不是以為取舎向背 述愚見如此不知是否 牛孟子屢發之使反求其所以然却在既發之後儘 是臨時以此心為之而又以此心察之也若齊王爱 觀之則此所謂考察既以當事言則似不可重看孝 又云昔聞延平先生之教云云雖其規模之大條理 可着力追求意不相妨恐又與當事體察不同以此 助唐續集 Ŧ

言之先生謂其為說遠近虚實大小精粗無不無盡 盡其節目之詳者規模之大恐自積習既多然後脱 之密若不逮於程子孝述竊謂規模之大條理之密 所謂讀書論人應事數端即是盖備夫工夫項目而 條理之密恐是物必有理皆所當窮以下六段與前 然有贯通處以下四段即是盖舉其始終全體而言 恐如序所論經文外有以極其規模之大而內有以 而復分先後緩急恐亦言其條理之密不知是否

只是如此 大三日祖 二十二 誠意 善者恐是人為逆之也武以動静縣之静者天動者 為思則其本然之體渾然在此人更不曾動着似即 雜以人遂流於不善令求其實而言之人心未發無 謂動以天馬則恐仍只是善奈何其不全以天而必 孝述妄謂人之本心得之於天初無不善所以有不 人是以静則無不善動則常有不善使其如伊川所 順廣續集

南軒所謂天心者是時安得有不善來中庸所謂喜 質純粹則惟其所發無住不與理俱故本然之性得 川所謂其本真而静五性具馬又云喜怒哀樂未發 怒哀樂未發謂之中樂記所謂人生而静天之性伊 建至其知思嗜好感物而生者又多求快血氣之私! 何當不善又云心本善恐皆指此心而言也及其既 以順達而無害若有偏駁則其偏駁之發即與理相 發有思有為即屬之人既屬之人即是氣質為之若

LY INDER / I AND / 感動而善惡分明道所謂性善猶水之清其繼猶水 滅天理暴時之善盡反而純於惡中庸所謂發而皆 沛然順發暴時之苦至是逐流於惡矣甚則窮人欲 中節謂之和樂記所謂感物而動性之欲以及夫好 之流有流至海而終不濁其次有遠近有多少清濁 其可使為不善猶水可使過額在山漁溪所謂五性 而不由義理之節故本具馬又每每為所拂害不得 惡無節而天理滅孟子所謂人性之善循水之就下 班長續集

中節則無住而不善又云發於思慮則有善有不善 伊川所謂其中動而七情出情湯而性鑿又云發而 雖不同然非善與惡在性中為两物相對各自出來 善然亦能流而入不善見部行恐皆指心之動處言 先生所謂心體本静然亦不能不動其用固本無不 濂溪云聖人立教件人自易其惡自至其中而止伊 也夫静則善動則有不善是心本善而人每拂之為 不善聖人之所以有教聚人之所以有學恐只為此

火江可報公本 善耳若其緊切着力處只在此心發動之初盖私欲 求變化氣質則所謂教所謂學口是去其惡以全其 之根既埋伏在內不動則己才動便牽引起來勢之 川云學問之道無他唯知其不善則速改以從善而 已横渠云領惡而全好以由學又云為學大益在自 所必然者真心之發其間常有私欲夾雜不能得純 正源使人欲净盡查滓不留則自此以往天理流行 此處雜了前面便流行不去是以必於此處清本 順奏編集

說得太多然却未見誠字之意 孝述按孟子言上世有見親暴露者其顏有此而非 恐謂此妄以或問之意如此推測是否 更無梗拂而於其本然者得矣學以以誠意為要竊 為人汎中心達於面目又云人作見孺子将入井皆 而不受上熬自負記問聞明道玩物丧心之讓遂 有怵惕惻隱之心非為內交要譽惡其聲而然竊以 為此等是惻隱之心發得實處楊震莫夜遗之金

敬之心發得實處孔子海子路知之為知之不知為 處張港居幽室必整遇妻子若嚴君竊以為此是恭 安寝子有病雖不視而竟少不眠竊以為此等是意 誠意若見賢而不能舉舉而不能先見不善而不能 之心發得實處人心之發每每如此而無所雜方是 汗流浹背面發赤竊以為此等是羞惡之心發得實 退退而不能速與第五倫兄子當病一夜十往退而 不知范氏云是回是非回非為直竊以為此是是非

班廣續集

未親切 金罗里屋名号 **畧無緊累與想其動静語默之節及覆其所陳之志** 無分毫私欲為之梗拂故不待勉强作為自無住而 考述妄謂顏子之樂恐在克復之後已過此關克盡 只如此會不改吾樂馬曾哲之志恐是其骨中脱酒 已私故日用間是這道理在胷中平鋪地順流将去 未誠處不知是否 不與理相周旋所以觸處皆樂雖行乎窮途逆境亦

The supplemental for the supplemental supple 真知其為天理但伊川則謂其雖知之而未必實能 有觸目皆然自可坦然順適不假作為故也如考述 道理上加添些做與這氣象天淵不侔若會替可謂 自覺是初學不曾窺見一分半分道理便妄自警喜 然畧不用意作為於其間亦見夫此理所以天然自 地順行将去似将使萬事萬物各止其所而吾心蕭 似把這道理做家常茶飯相似日用問只如此平平 把來撞券行時本不自在問只是分付着意似要於 班底橋京 Ī

漆雕開恐不止如此 為耳漆雕開之未能自信恐是正在此處着力過關 然實體固己識之但恐識認未至真的又自度此心 未得竊疑其雖未盡見是理自然流行之妙而於本 過去不但及此而遂已也孝述妄意揣料如此不知 了他未下然亦可見其直要於打鬬處下死工夫勝 孝述近來自覺此心分明如有物蒙蔽在內若以存

大いつらんさ 得時固是茫然無入處昏情之極至反覆尋求以搞 蒙蒙然要光不能得光及至忽然清明時方是襟懷 時覺得此心在此不曾從他處去但依舊湯漾糊塗 時看得發時方識認稍明心地方開若以誠意言則 養言當其放時固是紛紛擾擾全無是處其知把捉 日用問身雖物接而此心頑然不動時是全然各隔 約得大意又依舊覺得隔了一重更發不破又至暫 開爽耳目聰明氣象逈别若以窮格言當其求而不 班唐續集

了有隨接便動時亦有徐徐畧省而後動時動如在 意味是時心依舊唇有時忽地感悟動得别時其爱 親前有愛心在長上之側有敬心但其愛敬意就問 發得些又只據見在体了雖欲勉進自是做得來無 者之中意誠時尤少每日省来覺得白日在夢明道先 識認分明誠意而至於真心發見如此者極是少三 時心方大明故存養而至於心地明爽窮理而至於 直是真切其敬直是嚴畏非有所强而自不能已是

别生病痛 但且着實持守不須如此想象計較作弄恐思慮過當 くこうこ 願幸 便過喜過懼此心全體動了雖欲自家做主更做 孝述又自覺質弱心極易動日用問才有小小得失 深而難滌耶仰惟先覺憐而教之無使終陷則不勝 是不能得醒如此者当非質昏之甚而難開污染之 知道者如醉人恐可說此 虽知得是夢要教醒只醉生夢死伊川先生所謂未 雅知得是夢要教醒只 7:4: 脂质精集 Ī

只此便是病根前說正應其如此耳 要切 **緊覺是氣怯而志復無以帥之不知治此病痛孰為** 在以至在喧雜繁擾之地多處置不下甚至於亂大 教云若已立後則無此疑但很有曲折先兄當收 孝述、義以先兄在嫡未及有子而沒疑於所主蒙賜 長上遂自主丧才兩月而此子卒曩時之問正此子 襁褓之子為嗣既沒孝述以其未勝丧又别無同居

次定四草全里 兄之子為之後亦在襁褓孝述仍前自主祠板之題 聞之伯量亦云當以此問先生先生答云有攝主又 只從弟稱及領尊教始悟其非猶有不能勝丧之疑 已卒之後考述遂不曾言及先兄将葬孝述復求從 今既收立不知亦謂之嫡孫否若可謂嫡孫則廟祭 极時易題所稱復有他慮先兄之後固為宗子之子 立之子主丧而孝述為之攝自是即欲俟練祭換栗 按丧大記云子幻則以東抱之人為之拜是當以所 脂店續集

害又衆議以為必從切子主之理勢方順者述於换 有所宜既不嫌數更則異日再易祠板所稱恐亦無 當使之主又未知襁褓之子即可主祭為復待其成 虞卒哭其失岩子主之科則舅主之所主不同而各 復易從弟稱有清慢之嫌又按丧服小記云婦之丧 異日邊廟之稱矣如或木可則今日易從子稱異日 栗板日已更稱矣不知是否 人或少長方可若即可主祭則令日祠板之變固合

諸説可見 攝主但主其事名則宗子主之不可易也細考會子問 **沙定四車全書** 納主旁親之説木暁所謂可更詳之 考述議親十年展轉牽制尚未成畢老母欲令今冬 據主祀之子桃遠祖矣若未可主祀且從孝述主之 孝述又疑幼子若即可嗣主宗祀則異時納主恐即 有桃為復口科於祖而無桃 則異時所納之主即為旁親不知旁親當别設位而

若叔父主婚即可娶婦無嫌禮律皆可考也但母在而 叔父主婚恐亦未安可更詳考也 **畢親但先兄几庭未徹老母乃齊衰三年之服復有** 若就軍學歸凡百從殺衣服皆從素淡不知可否 妨礙然主婚却是叔父欲始從鄉俗就親不知可否 孝述謹按禮婿将親迎父醮而命之今考述父兄俱 耶為復受叔父之命耶 没上惟母在旁尊有叔父不知往迎之時當受母命

并考之 當受命於母然母既有服又似難行記得春秋隐二 孝述又按禮婦盤饋舅站若舅已没不知可以叔父 受盥饋禮否 難行此禮要是本領未正百事俱礙耳 檢看為叔父稱母之命以命之否更詳之更以上條 無盤饋之文盖與姑受醴禮相好也母若有服則 傅有母命其諸父兄而諸父兄以命使者之說恐 7

